

Lu sulì di Lidu Valderici

A latu di monti Còfano
propriu a li pedi di Erics,
s'affaccia lu megliu sulì,
a mari di Lidu Valderici.

Ammoddu, jocu cu l'onda,
si gira, rumuria, canta,
jocu cu la schiuma bianca
e cu lu sulì ca 'm'incanta.

'Stu sulì allegru e brillanti
si spicchia nni la mè menti,
lu cori 'nfiamma e 'nfoca,
ardinu passioni e sentimenti.

Lu vulissi abbrazzari,
sèntiri di cchiù lu sò caluri,
lu vulissi accarizzari,
saziarimi di lu sò splinduri.

S'avvicina lu tramontu
e pianu-pianu scumpari,
mi godu 'stu mumentu,
dopu... chi piaciri c'è ristari.

2007 Giuseppe Cardella